



序

波喧江浙綠繞千家山界常湖青連兩縣則有藍
谿仙客舊籍桐川黃海文豪新家顧渚尤耽詩賦
雅事交游以余近百里之間爲我命三秋之駕蹇
裳譙國只訪嵇康擔簦陳畱惟尋阮瑀然而雲時
出岫鳥善離巢年年馮煖嘗聞以彈鋏依人歲歲
鄒陽不免以曳裾作客成都肆上未見嚴遵洛陽
城中絕世蘇季率爾題門以去迥然擁楫而還猶
復眷佇爲勞纏綿莫解瑤緘鄭重憑紅鯉以浮來



錦字分明倩綠鱗而送至齊統乍疊披襟而謾謾
多風秦鏡初圓開篋而團團似月一搖綵扇便使
身輕每鑑華銅頓憎形穢向在里中季青有詩扇明鏡之寄 倏初
心之莫遂溝水東西俄舊雨之長乖浮雲南北空
縻好爵文園則引疾偏多徒點華班騎省則閑居
不少忽接山中之信獲披霞上之篇按節狂歌臨
風率讀夫其才調彌適襟情更暢劉孝威林檎之
啓字字英奇張子布柎櫛之章言言綺密五色膠
東之紙錄此清文千番巴蜀之箋書其麗句播之

輦下足當騷雅之稱奔以帳中不忝風流之目僕
也一官落拓恨與年增三載羈縲才因興減藻思
銷歇既輸君十倍之才宦况聊蕭甘讓爾五湖之
長乃猶膏脣拭舌序王襄輞水之詩舐墨含毫弁
皮陸松陵之集多恐青猊獻誚將母白鶴騰譏君
縱忘言僕猶知愧或者久要有在請待來年咎寢
難忘遙申一語竟獲右軍誓墓平子歸田紅簾白
舫往來茗雪之間酒幔茶檣滅沒鳧鷖之隊與君
倡和定自成聲偕我流連嗟堪作達謂余不信姑

留息壤之盟於我何求敢訂菟裘之約宜興同學
弟陳維崧題

摘藻堂詩藁

同山僧觀擊鹿歌

休陽汪文柏

早起何人來剝啄有僧攜策來幽谷爲言縣尹昨
出牌責令獵戶供麋鹿設圍布網最可觀相攜轉
入青谿曲俄看獵戶來山頭羅插短戟兼長矛頭
著皮冠號不住身標羽箭風颯颯往來奔逐羣初
亂妖狐狡兔同驚竄溪巖牝鹿條被驅引麕瀕險
猶相喚低頭血角媿未長落體金錢散不貫張弓

發矢如雨飛吁嗟母子皆遭難頭傷脚敗皮肉穿
半死半生誠可憐虞人縛去初進納縣尹此夜開
華筵吾傷物類皆有命人生口腹何能盡墜鹿于
人無所求胡爲歛吸投溪穽日暮空林豺虎驕千
厓萬嶠如奔搖何不射殺令咆哮翻使無辜充厨
庖

荒居次過四韻

荒居幽徑稀人行忘心屏跡能雙清文字譏評慵
挂口斲句時賡牛耳盟蔀屋三間堆萬卷牆頭數

丈陰杉檉怪底兼旬雲閉日今朝天淨收砵訇但
餘梅雨碾新茗細啜時聽黃鳥聲

送過四涵輝之武林

過善草書近學畫米氏山水篇中戲及之

近隄楊柳拂烟津夾岸桃萼異避秦牆上蘿盤張
旭草雨中山出米顛皴酒懷自得分清濁詩道誰
能辨玉珉今日送君無限意暫離還許夢魂親

雨中集飲

莫愁檐雨滴階前客飲如鯨吸大川臘釀沉沉醅
脚厚寒廚頓頓藁頭鮮絲毫共醮催新句玉笋頻

揚海堂詩集
二
搗怯老拳吾輩陶情真白得何須搔首問青天

贈林上人

心如柳絮任東風身似浮雲一片空
滄海渡栢曾未遠名山飛錫正無窮
山河露相鍼鋒裏世界空藏粟粒中
最愛江南春色好落筆時節定相逢

次韻訓查韜荒項子聚二首

凝思含愁澀不開落牋筠管更遲徊
瓮中春酒連連熟檐上寒梅蚤蚤催
墨汁乍濃浮研額燭萼未翦暈鐙臺
良朋此夕堪娛樂金谷詩成罰謾推

清新妙斲灑毫端流徵曾聞屬和難
爲別他時謔采艾相逢此日佩紉蘭
淺斟琥珀何曾醉輒疊麤氈已耐寒
今代文章誰作手蚤知騷雅共登壇

卽事三絕句

谿頭草輒未須鋤籬外萼明映碧虛
三唱鄰雞三丈日總教擁被不關渠

烟沒脩篁不見天霏霏雨雪鬪廉纖
山中自潑春醅熟莫問長安酒價添

淒切陽關隴首吟每聽一曲一傷心
年來得謝人

間世特買扁舟釣碧濤

春日述事

重陰積霽久茫茫今喜林端見蚤暘午起加餐實
枵腹年來題句索枯腸烏薪鍊赤堆茶竈紅瓣吹
薦落筆牀除却盤羹與杯酒其餘春事更荒唐

贈陳生

握臂論心憶去年端居忽覺歲時遷臨池蝌蚪移
銅雀仰漢扶搖上紙鳶氣暝露桃方欲笑烟輕沙
柳又將眠閑門剝啄君重到縱酒還看醉坐堅

次韻酬俞無殊先生

莎草汀洲展綠茵漁歌持釣一竿春久餐薇蕨山
中客近汎烟波世外人金石鏗然詩格老年華倏
爾柳條新追思往日畱連興燒燭看萼醉浹旬

游女

春日多游女如萼復似雲湖山雖自好點綴在紅
裊

立春日餞別徐松之之吳江以松陵歸舟爲
韻得舟字

歲暮無佳晤君來冑小畱作詩占險韻輸酒壘前
籌客坐燒金鴨官期祭土牛吳江明日去風雪慎
輕舟

贈友

等下一壺酒杖頭三百錢時時攜竹簡日日醉觥
船長吉才疑鬼東坡跡是仙著書今已嬾不羨子
雲玄

送過大

相逢嗟歲暮未肯作畱連免計終三窟鵬程自九

天霑衣分別淚沾酒賣文錢他日西窗下思君意
惘然

偶成

林石不厭山水行不厭月迴還林水間幽興終難
歇

雨夜赴飲

鷓鴣鸚鵡瀉鵝黃樺蠟銀缸照錦堂一馬二童過
謝客千呼萬喚出蕭孃階前歷亂飛萼片簾額縈
紆散篆香泥滑夜歸應未得可容酣睡就君牀

簡可公

旻公心了夏身閑長日翻經靜掩關折腳小鐺供
煑粥過眉短杖倚看山一林寂寂琴初落三徑蕭
蕭蘚自斑我欲移舟相問訊晴湖沙際待春還

題顧茂倫雪灘釣空圖

雪霽晴光映碧虛坐虹亭畔意何如脩篁謾長千
竿綠春水纔添一尺餘詩酒生涯原易足兵戈消
息未全除谿頭把釣君須待雙鯉西來有紫書

春懷山中草堂二首

我愛山中壑興長春初蚤韭最堪嘗扁舟欲往不
得往空自題詩憶草堂

他時買室喜兼琴此日琴開室又賒看遍城中千
萬樹却憐窻下數枝斜

示兩小豎二首

桃紅李白蚤分明我欲來看阻未行爲勅園中雙
小豎莫拋泥彈打流鶯

壑客山僧蘿薜衣每經林下不相違料應近日來
尋我祇道桐川去未歸

題友人齋居

夏屋渠渠暑氣疏
雨蕉風竹伴閑居
一樽未盡牀頭酒
萬卷仍餘架上書
雲度松陰聞唳鶴
池開蓮葉見游魚
棲遲此日藏丘壑
獻賦何勞羨子虛

次韻答兄

爲問何時到草堂
山中幽興頗能長
風吹橡實搯筇碎
日炙松萼蹋地香
蚤起分題臨北牖
閑來拋卷步東牆
糟牀壓酒堪同醉
要趁清秋月月涼

白嶽山樵寄畫索詩賦贈

指摘瑕疵愍寂寥
高堂粉壁絕塵囂
鷗翻嵐霧千家暮
木亞江風萬里潮
如子毫端寧易得
化兒奇巧亦難逃
從知冠世丹青手
白嶽樵兼黃鶴樵

感賦

回頭忽悟向來非
歎息于今交道微
縱使門多長者轍
不如人訪葦門稀

一櫂

一櫂清秋外
颿輕與鶩馳
林迴高寺出
天豁遠山移
卅里鳴蟬路
重餐落日時
歸來無所事
把卷坐

茆茨

舟泊

清凉甘水宿夜靜少人行斗帳江船客壘旗壑戍
兵池鼃分兩部林月吐三更應照蓬窗白呼童撤
短檠

寫懷

松筠成壑築蔬筍具山庖輒坐青氊疊然鐙白石
敲兵戈初伏莽風雨未安茆時大風起愁思渾無
賴新詩學孟郊堂茆盡卷

遺興

曉雨仍高枕春流未放船岸花浮水近檐柳受風
先老杜古今體蒙莊內外篇已堪朝夕共不用檢
餘編

贈友

故人初避地門徑足清幽偶步因筇入相逢爲雨
畱竿棋多妙著種秫得深謀愛諧涼州曲兒童盡
解謳

紀事

大火向西流涼生暑氣收門敲三徑月鴈破一天
秋信到憐妻病詩成遣客愁揭來無所住漂泊類
沙漚

人擗斗

寶髻雲鬟鬢鬢妝香腮零淚溼殘黃輕衫檢袵徐
徐下薄悅迎風宛宛長細語不聞雙黛綠幽情惟
寄一鑪香人間私願何能了轉欲歸心禮法王

七夕詠古十首

秋風颯颯著亭幽河漢盈盈渡女牛一自金梭拋

夜月幾多巧思到銀鈎

刺史胸藏錦繡鴛文心奇巧自源源何須再擗階
墀下詣首稱臣濫禱言

清香一炷待黃姑夜靜瑤階落翠梧縱使輪迴成
永誓那能天子作兒夫

繡幄駟車降自天幽人祈祝伏階前銀州異事新
傳錄從此榮華九十年

樺燭傳鐙照綵筵博山未斷水沉烟宮中盛事今
存否隴首青燐此夜然

欲種仙桃費所思君王何事甚兒癡千年結子雖
甘食未必長生到此時

蔡經何術降天仙鳥爪看來最可憐未得麻姑搔
背癢先教空裏下金鞭

五縷相羈百子池仙家此夕亦鄉思當時不說緱
山約騎鶴空過那得知

清風冷露夜鳴蛩此夕安公跨赤龍怪底當年多
勝事于今四海了無蹤

怪事長畱稗史傳于今屈指已千年無端說起前

因話空使幽人夜不眠

八月十五夜同華周過三子飲得方字

雖無斗酒賦千章淺酌清歌興自長促織草迷深
徑語木樨風逆小庭香散盆令到杯頻舉茆屋門
開月一方醉後笑談同夜坐沉銷蠟墮盡渾忘

次韻酬許巢友

涼風策策起青蘋籬落黃鸞刺眼新雨後晴光憐
釣客秋來好景媚詩人名山未遂扶游屐故國初
聞息戰塵最秊草堂多勝侶清歌良夜尚能頻

秋夜小集贈潘次耕

賓朋良聚每叢驩况是清秋卜夜闌愛酒不辭三
斗滿著書應得五車寬杯搖樺燭萼初吐坐拂魚
牋墨未乾縱醉不知纖月墮庭隅露暗鞠萼團

九日讌集得豪字

荒城無地可登高乘興還能縱酒豪晨出鞠籬堪
摘藥晚來蟹舍好持螯危冠上客揮筠管窄袖佳
人按石槽翻奏新聲殊未徹不應輕謝鬱輪袍

贈過鶴年

故人生好子風雅得相傳狗監憑誰薦牛衣祗自
眠挑鐙吟旅舍衝雪櫂歸船莫謂囊羞澀新詩滿
百篇

除前二日徐松之潘立耕坐訪

天寒歲暮吳江路乘興還能鼓柁來避雪鷗雛羣
翅接偷春梅蘂一枝開深交孺子論文客近識安
仁作賦才爲歎逼除難久聚滿天風雨別情催

除夕

青青米果白資筒

陸務觀詩白白資筒美青青米果新堆積銘盤訝

許同好語任從奴輩祝家筵莫放酒杯空三年人
老干戈外一夜春歸鼓角中暫喜弟兄同讌飲慈
親強健笑顏紅

元日

鄰雞三唱報春回刁斗無聲玉漏催金管銀笙寒
律轉椒盤柏酒歲筵開共知人事須驩樂莫放年
華空往來稍待風光漸暄暝版輿同覓后園梅

悲歌哭過秀才

秀才名充涵輝字兄弟幾人君行四生年五十有

二齡貧困偏令不得志當年與我初識時汎舟鸚

鵝醉玉卮

當湖有鸚鵡湖

羨君意氣頗雄壯脫帽揮毫稱

大匠醉來攜手繞湖行爲看蛾眉折筭當

志當一時事一

別差池不易逢憐君往西我往東東西分往無定
在魚鴈猶難尺繫通今年卜築在鄞城君來館我
肝膽傾賓主相交原有道君才如管我慚鮑鑑裏
頭顱白髮新終日吟詩不住掉從此相逢又相別
別云相會不逾月那知遂作夜臺游使我坐涕哀
難歇於乎故人死矣不復回日暮悲歌哀復哀

過九峰贈璠公并貽臧比玉受澄

端居盡日閑無事恰喜良朋鷓水至

適友生當湖至因借過訪

尋幽探勝有夙期出門伴侶成三四曲曲秋林碧
澗隈飄飄黃葉風中吹林迴幾步到蘭若汲泉正
值山僧回相逢引入禪房坐積久相思今欲破知
君禪室畝蕭然曩日名山飛錫過爲出詩篇多苦
吟羨君佳句如球琳談酣茗飲啜無竿西嶺渾忘
落日沉更聞此地詩人有二臧翩翩文采驚詞場
幾時待我開三徑清風竹下來求羊叟助吾師詩

興長

次韻答九峰長老

斷礎荒碑密蘚封山僧居處少追從凌渠怪石驚
跨虎偃戶橫松作臥龍澗澗泉凝清夜梵叢篁風
逗夕陽鐘慚余不識轉谿路策杖唯看第九峰

爲友題宋初陽畫

江邊霜葉映微紅竹裏茆庵一徑通日落青山如
可卽與君長嘯白雲中

友人分麴用黃山谷韻二首

辰庖未熟不須催，特有良朋送麩來。
口悶心迷香色遠，正防枵腹隱飢靈。

霏霏雨雪似相催，遠處分甘一櫂來。
急遣長鬚烹雀舌，滿鑪聲起噴雲靄。

次韻酬臧比玉二首

乍破霜寒日氣舒，紛紛黃葉閉閑居。
看君磊落詩篇富，愧我蹉跎歲月餘。
矮屋謾成三畝宅，高談大勝十年書。
結廬最喜雲亭近，問字終知意未疏。
酒觥棋枰銷悶日，茶鑪藥竈伴閑居。
煤香靜按鑪

烟細徑色紅，加落葉餘殘卷。
亂堆難更帙，新詩草就怕重書。
多君好意頻相顧，愧我形骸與世疏。

將至荆谿用前韻寄示諸同好

秋辰發駕氣清舒，驛路人家傍水居。
紅樹青山歌興得，烏絲黃絹別情餘。
羈棲旅舍三餐飯，蕭索行裝一卷書。
爲報白蓮諸社友，佳辰詩思莫教疏。

蜀山道中疊韻二首

旅客孤行意自舒，親朋蚤已賦居居。
身于應俗真無賴，興到游山頗有餘。
烏柏霜林千里目，青帘酒

店一行書同行惟有雙魚腹幾度空彈志恐疏
煙霧濛濛入漸舒漁翁湖畔結茆居荆谿雲樹千
層在震澤波濤萬頃餘此夕長吟解崇賦當年怪
讀絕交書風塵瀕洞非今日自昔曾嗟吾道疏

次韻題潘家園亭

天涯有客獨閑舒此日來看雲水居白石臨窓幽
興發青山排闥壑情餘一塘曲護千行柳四壁高
藏萬卷書我亦臨風何所羨短牆脩竹自蕭疏

游張公洞

朔風攖林颯如戰嚴霜凜凜吹人面客子探奇不
憚危攝衣斗覺身雄健初尋巖穴如剖瓮轉側山
腰入陰洞洞中跋躑梯棧艱手扶九節終何用步
屨經過隨處志路迷恐逐當年事巨石孱顏無數
奇呼牛指馬形相似洞中怪石有類各物土人謂張果置日光月光
照無處終古昏昏失天曙真人一去竟不還此事
空傳無實據嵌空開擘知誰力猛虎深藏毒龍蟄
縈紆得出薪炬殘回首嶽崎意何極

偷牛洞

我愛茲山好何嫌此洞名牧童行解僮相與對棋枰

銅棺山

東邨匹馬迴西坵殘陽落

从音衍今作偃地名

遙見銅棺山

蒼蒼出城郭

欲游善權以雨連阻終不得往歸日書二絕

句志之

我聞善權好蚤已具輕舟十日連風雨何時遂此游

四海稱名勝荆谿有善權愁思不得往蒼翠隔寒烟

次韻酬顧樵水

歲暮何緣好客過荒居終自在烟蘿門前寂寞逢
迎少海內風塵戰伐多馴鹿有時眠露草昏鷓無
意集霜柯莫言壑市稀筍核芋栗葵蘇席可羅

賦答姜西銘陳子文

雪霽晴沙溼未乾何緣二妙過衝寒門前谿水淹
漁艇堂下春風破藥欄凍硯呵開居坐右新詩賦

就灑毫端從來郢調難賡和祇愧臨窓袖手看

憶山中老梅用舊韻

瘦影芳魂宛宛舒山空長伴月明居待尋霽景一
枝秀冑負谿流數瓣餘枕畔有情幽客寢天涯無
恙老僧書他時縞袂相逢日溪慙馨香尚未疏

次韻題黃原明半壁圖冊四首

東溝流水界西溝風月平分半舍秋眼看江山圖
畫冊寢隨烟雨木蘭舟檐低尚喜頭能舉徑窄何
嫌步不周浪擬子雲居寂寞實如司馬倦羈游

一林交覆半林枝一日閑敲半日詩晶晶白雲浮
水去娟娟明月傍林隨籬邊竹筍初分界谿畔鳧
雛不礙岐無計圖全聊半隱障風蔽雨亦吾私
霜林葉落壅溪溝拄杖衡門一望秋浦口夕陽收
買颿橋南鐙火聚魚舟閑開萬卷心仍遠謾酌三
杯興已周愛汝茆堂雖半壁端居終勝五湖游
柴門鳥雀聚溪枝叉手閑吟半壁詩岑寂可無尊
酒伴逍遙唯有匣琴隨縱殊蔣詡開三徑大勝楊
朱泣兩岐莫訝僻居蓬藿滿春溪雨露亦恩私

王子禹慶近有鼓盆之戚時過桐川汪子見
其意興蕭索神思若褫爲歌短章用釋其
歎

浮雲蔽空互前後朝爲白衣暮蒼狗人生哀樂如
轉環反覆千端無不有英雄亦多兒女情琴瑟在
御鸞鳳鳴一朝相失意愴澹愁聽落葉哀蟬聲羨
君豁達何所慮萬卷書曾閉門著邇來欲作汎宅
游笠澤烟波自來去君不見落萼從風月墮天調
苦不惜琴絕絃相逢何以釋悲歎且共醕酌清尊

前

送戚朗園舍人入都次韻見貽之作

北望燕臺解袂情匆匆行色馬蹄輕別時細柳津
亭合到日濃萼禁籞平此去鳳池推夙望從來石
室有先鳴離懷珍重貽佳句照耀明霞海上城

次韻周弁山

小雨侵簾密似絲朝來佳客坐題詩琴鳴綠綺長
橫膝策杖青藜短過眉湖海才名雖共羨關山戰
角尚餘悲他時把卷空齋裏春色雲颿憶遠隨

次韻送錢柏園學博赴任松陽

君典松陽學東行幾日程
旅愁侵鬢短官俸入囊
清故業貧無賴新詩老
更成餘氛殊未靖何日計
歸耕

奉寄陳其年

憶昨客陽羨天寒歲又徂
淹留瀾浹旬旅思一何
孤冰霜凋卉木肩輿方首途
窮猿嘯高崗寒鳥投
荒墟人情懼艱險跋涉苦
崎嶇未見陳夫子歸來
生歎吁君爲蓋代人才力
誰得如落筆迴風霜吐

言仍玉珠俊邁超往古
流譽動八區柏也識君名
尚在總角初迨今十數載
忽得貽尺書開函時一
讀遂令神馳驅所隔雖異鄉
相去百里餘嵯峨銅
峰頂寂歷弁山隅我豈無
輕舟胡爲徒跂予

聽松齋夜宿

庭前兩松樹相對偃蹇
徑涼風夜半生肅肅入清
聽遙憶塵中人茲聲遠難贈

次韻答古上人

何處覓鍾期希音世罕知
林間思杖鉢堂上愧墳

麓地近逢應數心空契不遲衆生離苦劫正賴在
今時師在駕湖作放生會

題孫克脩畫谿山艇釣圖

把釣清谿上微風落葉輕一竿秋色動半舸夕陽
明雲斷青巒出波涵白石平知君耽隱趣不並羨
魚情

過徐子與先生墓

石馬荒烟裏殘碑古道隅夕陽饑鳥下叢菁老叟
呼白雪今何在青山世已殊清風動林末過此幾

脚躡

山人餽何首烏一枚語余曰適自梅谿山巖
中得之形質雖小已是十餘年物詩以報
之

靈藥無多產根藏洞壑溪溪怪形難品論異質費按
尋喜爾山中得扶吾醉後吟今朝傳惠好不啻重
兼金

晚眺

樹杪涼風起山腰雲氣吞飛鷗背城郭暮鵲噪柴

門舟繫荒烟渡人歸欲雨邨杖藜還獨眺幽意與誰論

兼金次韻答顧湘源

神交已久晤偏遲此夕歡娛燭跋時酬唱新篇驚

敏捷去來佳客恨參差聞袁重其岳泗庵錢方韋諸子皆次第先過予未得

見鸞牋小拂香烟散兔穎長揮墨汁滋墮珥遺簪

心最樂淳于一石可能為

重五小集得陽字

良朋畢集喜成狂爛醉同傾日午觴金管銀箏憐

舊曲

故年有李
校書過

榴花艾葉倚新妝

時亦有薛
校書在

辟兵

時寫丹砂字療病因畱藥草方隔歲故人多樂事

豈知殘籟聽山陽

謂過四
涵輝也

題顧湘源畫墨竹寄贈錢禹九先生

料得胸中富渭川數莖紙上獨便娟平安為報今

三徑高隱曾聞古七賢苞鳳尾梢清漢動籜龍角

長綠雲穿吳中隱士端相合才大曾誇賦碧鮮

寄友人索畫墨竹

學貴師承自昔聞西泠相隔渺烟雲若為舟楫棹

高興共向谿山對夕曛筆底湘姿清莫敵瓢中郢
調思難羣茆堂石壁無纖垢爲掃琅玕一見分

次韻寄答周簞谷

門外青榆大幾圍無營白日揜柴扉
深居獨處人蹤絕長嘯高吟俗累違
佳茗老僧來共啜清觴幽客坐同飛
長興山色茗谿水待爾蒲帆挂夕暉

枕上聽風雨

篝鐙瞠瞠半昏明風雨蕭疏夜氣清
漏斷乍聽檐際響寢闌還作枕邊聲
臨階墜果坐枝折近榻砂

蟲振羽鳴耿耿此宵饒苦思却教展轉又詩成

感舊

甲過涵輝而作

感舊而今倍黯然草堂人去榻空懸
魂來寢寐仍連夜腸斷詩篇又隔年

昨年曾有哀悼之作

江介篴聲愁思

動牆閒書蹟雨痕穿殘鐙寂蔑西窗下
細憶歡情宛目前

寄周荻書祖香山房

雲亭獨占好林泉欲過多時恨未然
茗熟可畱佳客飲詩成應待老僧傳

指體師也

萼枝零落初成子書

卷叢殘舊插籤見說巖山多異勝期君同放米家

船

時有客過劇言巖山泉石之勝

送鐵鳴和上歸四安精舍

精廬迢遞隱崑阿歸去緇經意若何路斷晚雲迷
杖錫窗開新月挂藤蘿林間鳥散烟光滿潭上龍
歸雨色多三竺鐙傳推正派聞聲悟道復誰過

展硯齋卽事

平生疏嬾復何求獨坐空齋覺更幽白晝不聞人
剝啄綠陰時聽鳥鈎輶卷簾竹色侵書案近屋簷

香拂茗甌莫怪日長無个事滿牀書卷足銷愁

雨夜獨坐聞鄰曲書聲

草屋鐙殘夜欲分書聲雨點正相聞呶唔聽後添
清韻黯澹吹來帶宿芸茗熟新烟驚睡鶴軒開涼
氣散飢氓閑吟獨坐真無賴却羨鄰家課讀勤

登舍南小閣

高閣窓開眺望新青山面面絕風塵雲迷古樹啼
猿斷日落浮圖去鳥頻三若紆縈臨浣女五峰迢
遞對詩人不堪鳴籟鳴鳴起倚檻微吟欲愴神

茗谿舟中言懷

遠水蒼山引望長，青簾白舫緩鳴榔。
一川細雨桑麻熟，六月涼風荷芰香。
嗜茗無時閑瓦竈，嬾吟終日廢奚囊。
年來自笑爲何事，慣倚茗谿上下檣。

新蘆

碧葉參差繞岸生，相隨迤邐邏櫂聲。
黃昏江上蕭蕭雨，漸見漁燈幾點明。

贈鳳吹小鬟次韻

柳絮簾幙晝深幽，半怯輕寒倚玉樓。
莫說小年多

未解已看春思上眉頭

低徊嬌怯惜嫣然，喚出遲遲到客前。
惆悵春風送流水，小紅萼落殢芳年。

悠揚紅袖越羅輕，舞按開元譜上名。
謾把閑情等牛女，鵲橋應不俟秋成。

雲鬢萼顏冰雪膚，筵前歌管更相須。
傾城不讓梁家女，嫁去何愁三斛珠。

懷臧受澂

臧生久不見，幽興日如何。
性嬾詩筒少，情親寢寐

多輕風飄病葉
小雨灑枯荷
秋意空搖落
思君臥
薜蘿

同周文日登五峰山

山頂舊有一亭今已弗存

山亭餘瓦礫
古樹獨陰陰
望遠秋懷壯
登高壑思
淡鄰峰開翠色
別澗瀉清音
日暮拖筇下
嵐光戀
客襟

扃戶

白晝長扃戶
蕭疏一徑偏
牆腰琴影碎
砌面樹陰
圓壑鶴寒頻
唳山僮嬾祇
眠閑窓無別
事敲茗試

新泉

壑興

秋來多壑興
長日廢殘編
谿友邀坐釣
山僧勸坐
禪翦松畱翠鬣
移竹帶青鞭
萬事閑居好
臨風意
眇然

題黃鶴山樵秋隱圖卷

松高石瘦水潺湲
就裏秋光半屬仙
草閣寒生高
士臥楓林葉落
壑禽還菰烟蘆雨
垂魚釣浦月山
風載鶴船笑我披
圖多逸興長思結
屋在山前

夜坐卽事

瑟縮枯蕉拂短牆蒲團兀坐夜生涼一天星斗鴻
聲遠萬里烟雲鶴寢長靜落鐙粲燒竹几時飄桐
子響銀牀詩成忽聽寒更斷斜月殘輝上屋梁

秋居樵興四首

山館蒼涼老木風枯粲絳葉滿庭中烹茶活火然
松節灌藥清泉續篔筒棋局銷閑無論子詩章遣
興不求工黃雞紫蟹登盤日好醉籬根看菊叢
棕鞵露溼步紆徐院落閑行意自舒豆蔓瓜藤連

矮壁荷盤芰葉亂淡渠生年怕蹋羊腸路蚤歲先
營蝸殼廬看遍架頭三萬軸牛經鶴譜信奇書
山城風物勝山家薜戶茆牆樂更賒靜插竹梢扶
壑蘓閑收箸葉裹新茶藥苗採后尋僧論詩句吟
成向客誇日午紗窓書几畔一肱幽寢入烟霞
新荔秣酒未封泥小榼淡杯日日攜快飲盡綠閑
裏得長篇多是樂時題秋淡蓬藿盈門徑歲熟葵
蘇滿圃畦約待碧蘆粲老后一竿持釣白雲谿

夜靜聽秋聲

瓦鐙挑盡轉微明老硯磨窮句未成自有一般堪
樂處圖書堆裏聽秋聲

題謝樗仙秋江釣容圖

颯颯清風吹亂鳧霏霏小雨灑荒蒲扁舟獨櫂寒
烟裏釣得秋江一尺鱸

九峰禪院璠公請賦因贈

當年梵夾已緇窮近愛談經靜院中

師壯時曾檢藏三年近嘗

講于此院夜坐禪鐙明影瘦秋行潭水照心空檐簷細
碎淹殘雨山樹蕭疏鳴晚風莫笑荒涼茆屋下一

瓢新句儘能工

九日集家兄新樓得高字

令節秋淡望更遙登樓詩賦樂吾曹銅瓶碎插萼
枝豔斑管長揮腕力豪霜落楓林千葉赤雲開雁
字一行高憑欄愛看谿流曲不怕西風敵布袍

題山爽閣圖贈陳劔浦

儼卜園林谿礪旁羨君幽閣面池塘籠烟柳老鶯
聲滑掠水風清荷葉香竹榻書篇銷午倦甌爐茶
浪伴宵涼縣知佳客頻來往酬唱新詩興更長

春風

晴光明堊館物態更多妍
拂竹開窗幔飄粲點座
氈瓦溝新雀鬪網戶小
蟲懸人事更疇管春風似
去年

寒食獨坐有懷周管谷潘次耕

佳辰無一事獨坐意迢迢
迢柳色經煙老粲香過雨
銷松陵人閉戶梅市客迴
橈晝永菲堂靜空孤瘦
木瓢

次韻寄答俞鹿牀先生同顧湘源周管谷見

懷之作

鹿眼疎籬短短圍三間老屋閉斜暉
防寒舊擁蘆粲被趁體新栽
榭葉衣韻切如同鳴磬至歌成
儼逐斷雲飛華堂朋侶知盈座
牢落荒城恨獨違

立夏日送湘源歸虞山用前韻

門外谿流詰曲圍雲容水態冷殘暉
哦詩乍喜同鬪韻采藥終期共拂衣
杯杓淡淡心已醉煙霞冉冉興猶飛
還愁竹屋彈鐙夜眇論清譚又欲違
湘源欲去以苦雨覓舟未得次叔兄韻

雨渡無輕楫風軒更小留離觴今復舉殘卷昨空
收松激生虛籟等飛動晚愁鄣城山水好遲爾蚤
來游

午醒偶成

清晝眠初醒開門客少過到牀風葉亂近檻露苗
多雨氣酣淡竹茶煙颺弱蘿小童欣報我庭樹鶴
成窠

晚行觸目

最是斜陽境閒行澹客情荒田羣雀下淡鳴一牛

鳴風輭等香汎雲陰石氣生經過多好景況息虎

縱橫

邨落常多虎
警近得徙去

過龍華寺櫻寧禪師止宿夜話

蒼卞峰高儼獨尊蓮官遙望枕巖根百竿篔簹水通
廚砌一路聽松到寺門幽磬獨聞開識妄妙香頻
拂滌心源山房許俗繩牀宿茗椀蔬盤夜共論

贈寒松大師

何年老宿汎輕杯補衲曾無半點埃蒼卞慈雲今
闡法善權劫火管成灰

師向住
善權

繡經石室燒香坐

覓句松林蹋月回儻許白蓮同社集陶潛不待
招來

贈霍山翁子秋

山翁隱居巖山不入
城市年已八十二

白髮前朝士青山此結廬溼雲棲戶牖饑鶴唳庭
除饌客荒畦韭傳家破塚書幼輿丘壑志相就定
何如

晚步

輕衣短杖出郊行行處青莎逐路生滿隴夕陽雙
犢返半汀殘霧一舟橫江邊壑廟翻旗色竹裏人

家響確聲信美山邨難久住奚囊歸去謾詩成

吳門吳禹存別字餅菴取咎人守口如餅之

義詩以贈之

多言必多敗噬臍苦難救願言口三緘學彼如餅
守吳君抱負淡芳躅遯巖岫塵紛悉屏絕所嗜但
醇酎粲竹羅庭除琴史列左右嗒然隱几餘澄懷
坐清晝爰愛古人言因名日三復兵甲苦未銷羽
檄尙馳驟連年役民夫自老及童幼羨君得淡居
不逐風塵忝予亦愛林泉菲齋甫能構幾欲挹清

芬道阻邈難就抒言達幽棕所冀得邂逅

時閒

時閒人意愜室靜物情歸鶴羽遺琴薦藤陰落芋
衣粵殘缸蠧熟樵老繭蛾飛爲憺幽居事銷除付
落暉

孟夏

閒齋初入夏時有好禽鳴梧日圖書冷槐風几簟
清迨時修竹篔防暑疊松棚略說逍遙罷超然物
外情

訓臧比玉坐烏瞻山南菴見懷詩次韻

林風谿月屬詩人知入禪宮發興新青靄壓簷長
似晚紅英照戶每如春搗毫墨妙初成偈聽法心
空自識津媿我未能隨杖舄菲齋盡日對松筠

午日書事錄似社中

鄆城午日獨歸遲閒對鈎簾雨似絲池葉綠交鼃
不去庭粦香淺蜨能知懷人入寢雲山遠閉戶觀
心水竹宜莫道客居忘節物榴觴蒲俎正催詩

題王石谷畫

傷岸誰開時藥圃寒烟澹澹疎籬護桐粵落盡不
知春一徑蒼落孤鶴步

二十初度述懷

嗟余生草澤負志本激昂幼小弄文翰喜入舜賦
場及年十三四所至隨奚囊撫管親朋前抗論師
長旁親長頗不怪稱助益飛揚謂有霄漢情奚獨
守篇章十五學擊劍玉匣啓雄芒曠視宇宙間物
色粲輝光十七慕神仙齋沐鑪鼎旁欲令丹砂就
遊嘯窮扶桑孰知仙路遠歎羨徒徬徨黃白鍊鉛

禾茲理固渺茫瀕洞風塵起歛沸如蝸蟻兵戈擁
道路戰血流遐荒故里生荆杞鄉鄰多竄亾屢遭
世情惡當路蹲虎狼爪牙雖伏匿難險不可量潛
身恐不免詎羨鷓鷯行十八與十九棲泊居故鄣
闢地開瓜圃背郭縛茆堂日暮鉏理暇還復事縑
緗巖阿尋隱伴所遇支與湯每念失初計慘慘心
內傷拔劍起高歌撫膺恨彌長河清未可俟蓬艾
聊淡藏白日不少停隙駒何奔忙倏忽二十年意
志無絲張終軍棄其繻請纓羈越王賈誼策治安

才名傾洛陽
媿讀古人傳
長夜生慨慷

題畫

羨爾山林隱
翛然壑況偏
碓茶春屋雨蒸
秫午窗煙雲吐
當檐岫谿迥近
墅田釣魚雙艇子
猶繫柳株邊

枕上偶成

寒生草閣夜寥寥
漏轉鐙欹醉未銷
一枕寢魂迷蛺蝶
半窗風雨損芭蕉
閒中歲月淹詩句
亂世身名託酒瓢
最是唳蜚清切處
草根吟穩共今宵

和次耕喜雨二首

霈霖邀歲稔
悵望復奚爲
農事元勞苦
天心實慧慈
漏痕侵卷帙
涼氣潤琴絲
賸喜良朋過
還追舊雨時

菲屋經風破
天陰未改爲
倦飛憐燕弱
勤哺羨鳥慈
農畝收田器
漁舟捲釣絲
黃昏聲不絕
還伴客吟時

雨中懷體師和次耕韻

爲憶譚空老
朝餐只糝藜
閒雲從出岫
落絮任霑

泥秋到詩尤好林疏望不迷
謾因風雨阻人跡
斷寒蹊

寒蹊雨
中對
斷
林
人
跡
斷
寒
蹊
雨
中
對
斷
林
人
跡
斷

烏瞻曲徑碧筠稠
白鹿高峰翠靄收
不見謝公扶屐齒
楓林空作畫谿秋

秋日感懷

秋來百感集無端
物態於今已倦看
閣雨片雲幽徑晚
惹風疏竹小窗寒
圖南莫羨鯤鵬化
抱冊時

看螢蠹乾獨有羊何同
詠客西軒臥病又
琴殘謂次

也

次韻答陸芳洲先輩二首

藝鞠東籬惜晚香
葛巾漉酒興何長
山延爽氣來芸閣
詩攬秋光入錦囊
採藥身衝麋鹿隊
鳴琴目送雁鴻行
儵然此外無餘事
應笑塵埃歲月忙
秋梧葉葉落階鳴
不爲修琴不到城
彭澤詩篇多舊錄
石門書舍是新營
心甘丘壑容棲隱
望苦關山息鬪爭
乘興若還重命權
敢因風雪阻逢迎

華義逸過訪雒州草堂出示桐川見懷詩依

押奉詠

雪谿鳴櫂獨遲徊却訪菲堂載酒盃殘葉經秋堆
壑徑嬾雲向晚落荒臺已判高臥機心絕每得相
逢笑口開佳句若爲吟不倦鈎簾山色入窗來

菰城夜宿

沈寥人語靜單舸宿江干露氣侵鐙暗星光落水
寒坐淡披褐短吟苦入夏闌時聽沙棲鳥相呼意
未安

贈俞右吉

獨懷鉛槧老生涯物外逢君感鬢華關尹著書傳
柱下楊雲儼易待侯芭吟餘午徑桐陰轉寢破風
簾竹影斜日日鴛湖鷗鷺伴相隨來往認浮槎

晚眺

古榆疏柳映衰曛沙上飛鳧自作羣吟倚瘦筇看
不倦小船遙載出谿雲

送潘次耕應薦入都次韻畱別之作

木葉下亭臯寒風起茗水茲辰何黯然悲歌送吾

子臨岐心慘傷非與泛俗比其謂交情淡難量滄
海底因思菲堂下促膝羅琴史聽禽閣酒尊炙背
隱書几丘壑共逃名漱石將礪齒恨絕祖祓辰霜
寒草木死殘鴻飛且鳴四壁荒雲被近別尙相思
命駕況千里嗟君軼代才當置青雲裏我無濟世
術泥塗甘曳尾良玉不久藏茲固造物使人生信
蓬梗飄泊無定止妙斲遂見貽調高等流徵他時
林下人瓜田獨鉏理梁月費淡思瓊枝不可儼荒
徑少過從編籬鍵六枳故人筵鵲行矯首望何已

對策向彤庭如芥拾青紫知爾亦不矜高懷絕纖
滓惟傷此睽違何由對知己嘗望雁足來無令眼
穿埃未能寫幽棕援筆聊賦此

十四夜作

幽房夜久飛螢入月浸窗紗水雲溼荒邨更漏杳
不聞向壁竝笙似幽泣童子斲駒觸畫屏瓦鐙欲
死光青熒坐抱殘編忘夜久忽聞孤鶴鳴空庭博
山煙消香燼冷橫掣參旗斗回柄幾回吟苦字未
安獨下閒階蹋鸞影

題邵僧彌漁隱畫

風波不礙穩如山
沽酒江邨日暮還
遙羨雨簑風笠好
倒撐篷艇出谿灣

短歌行贈周天隨

汪子二十道未聞
芸編日閱徒辛勤
周侯亦是沉冥者
襟期頗合凌煙雲
閒居旅舍苦岑寂
等時筍候長相覓
寒煙曉樹望龍葱
夜雨春鐙聞浙瀝
不辭策蹇過君廬
天氣初晴泥滑塗
相逢大笑了又揖
握手忘形爾汝呼
世態紛紛那足道
誰是論交

稱管鮑且持斗酒共招邀
竊比杜陵將鄭老君居

沙塘埧

地名

我寓鄆城曲共約攜家入鹿門
與爾棲

丘飲泉谷嗚呼與爾棲
丘飲泉谷無憂但願長鼓腹

歲暮遣興

窮冬日日醉曹騰
獨臥丘樊逸思增
老衲倦扶鳩杖至
故人多被鶴書徵
林空遠見吹原燒
谷靜時聞裂澗冰
好事曾無閒載酒
柴扉一任蔓寒藤

陸亦樵五十贈詩

幾年相望尺書通海上成連隱跡同心事幾存詩
卷裏生涯好在釣船中座無北海罇長滿居似淵
明屋不豐漸覺東風開令序探梅應過石橋東
白樂天詩有陶潛屋不豐句

春日卽事

茶煙香暈小窗西已襞落箋尙怯題旬日閉門春
睡足樹陰催雨勃姑唬

堊徑香多枳殼粲柴車輕御到山家攜錢買得黃
菲酒一醉扶歸蓆帽斜

次韻訓僉犀月四首

相逢江畔草纖纖柳外輕風蕩酒帘數畝綠陰晴
後足一篙新漲夜來添閒窗點易粲飄席小閣吟
詩燕入簾強欲裁箋賡雅調江郎才盡可無嫌
草色穆穆柳葉纖谿雲淡處認青帘扁舟一繫春
寒減堊館初經旅思添小榼酒香蠶入戶虛堂琴
靜鳥窺簾他時好蠟登山屐爛醉狂歌總不嫌
千畦翠浪麥纖纖酒熟山家乍揭帘梁上泥新雙
燕入磯頭水長數鷗添逃名往日曾焚硯託跡今

來更織簾縞紵論交情自愜那因疏放有猜嫌
嬾蕨初拳筍指纖就沽莫負酒家帘衡門月上詩
情愜舊國雲淡客寢添篆古蝸涎縈筆格衣輕蜨
粉撲湘簾浮榮過眼真餘事爰鶴空山未我嫌

次韻仲兄閒居述事四首

性癖常於好句耽朝來洗硯向池南久辭俗客寧
緣嬾多購奇書亦是貪松徑烟淡歸壑鶴桑津日
暝浴春蠶山童辨得盤餐足芹滿筠筐蕨滿籃
詩壇碁墅易成耽幽客閒尋過水南半揜簾櫳嫌

柳密全遮巒岫覺雲貪杯斟箸酒浮輕螳字寫籐
箋簇小蠶過雨峒山新茗熟住僧先爲寄篝籃
秀木清泉日向耽離羣棲託占山南一籬新綠禽
聲亂半砌殘香蜨寢貪春色行游紛履舄鄉風生
業半漁蠶長鑱莫訝歸來晚爲劬黃精滿藥籃
傳家圖史足堪耽詩格偏教襲劔南適意谿山堪
獨往危身名祿莫重貪晚歸細數鷺將鳩春熟忙
收麥與蠶不是隱居饒樂事復輿那挂百等籃

鄆城偶誌再續前韻四首

風塵冠蓋復何耽，謾學宜僚隱市南。縱酒不妨童

笑醉賭碁還，慮客嘲貪年豐喜。見兩岐麥今年麥秀兩岐

日暝欣逢三幼蠶陸務觀詩婢喜蠶三幼蠶眠為幼夏愛埜筵多

異味冰盤今又薦梅籃瑯琊漫抄永嘉閨婦以青梅雕剜脫核鏤以等鳥擘

之玲瓏如小盒謂之梅籃

瓦屋三間祇自耽，身從硯北對窗南。青林轉岸望

初豁紅日到階眠，尚貪數畝田疇前。買犢一邨簫

鼓後，祈蠶頻年那得長。豐稔免糴黃兒米半籃杜甫

在蜀日買黃兒米半籃

麥埜桑原儘可耽，門前略約接邨南。灌成圃藥稱

童健買，斷谿雲笑容貪小。旆河橋招兌酒，短符門

巷貼空蠶山家所藉餘。茶筍不用貽鳩十二籃好事

集毛傳好食鳩相得者每以鳩贈之一見李翱贈十二籃

怎教外物不生耽，日戀青山在郭南。鄴架舊編繙

未勑邶筒新釀貫，還貪埜塘插竹因。防獺邨廟懸

旗為賽蠶，西隴楊梅今又熟。摘來長貯竹絲籃湘潭

記陸展郎中嘗以竹絲籃貯楊梅千枚并茶等蜜送衡山道士

過朱老看牡丹次松之韻二首

夕陽小徑石敲衰垣短難遮近陌粵誰憺傾城真
貴色從教流落墜人家

數椽葦屋綠谿衰也種盤絨簇錦粵喜得春風吹
不定穠香分遞入鄰家

次韻徐松之畱別

山杯竹葉清環坐累巡行月色窺簾入粵香逐扇
生交難分別館春易促歸程他日蒹葭水還思短
櫂鳴

春仲偕兩開士過周天隨兄弟邨居時庭際

玉蘭海棠山礬諸粵爭發輒開罇衆樹下
旭日靄平臯出郭喜晴昊周君昨見招庭樹粵云
好偕行約兩僧理楫望烟島沿洄凡幾轉邨墅豁
林杪故人遲我久衡門開及蚤佇立認來船前迎
屣顛倒攜手同入門一笑傾懷抱別來日已淡偃
蹇青松老嵇康髮嬾梳陳蕃室不埽粵下羅盤餐
飛英點清醪幽禽三兩聲爲我鳴亦巧感君臯弟
情寧辭醉兼飽

過藝香山訪徐元歎故居有雙松是其手植

言訪高人宅。山空長蕨薇。殘芳飄客袂。幽磬出僧扉。
舊日移松在何年。化鶴歸吟魂。應戀此佇立。弔斜暉。

同管谷訪山暉師畱贈次鹿牀韻

同稱詩瘦與茶顛。襍被遙尋古寺邊。吟處谿山多
入畫。悟來雲月總關禪。數聲午磬連清梵。幾卷殘
經絕世緣。習靜最便山壑性。何當廬嶽會羣賢。

新綠

晴風收宿靄。新綠徧谿林。橋畔藏維楫。籬根覆浴

禽。謾增幽客詠。易動入山心。獨坐鈎簾望。陰陰接
遠岑。

初夏卽事

綠蔭深中屋數楹。夏來偏着小齋清。亭邊雨霽梅
新熟。牆外雷驚菌欲生。乳酒甞成邀客飲。衲琴修
得與僧評。讐書搨字麤能了。便向谿頭曳杖行。

聽鶯

地僻黃鸝到亦遲。新桐點乳桺成絲。雙柑斗酒何
當辦。謾啜茶甌聽少時。

蕭森門徑柳陰移日喜流鶯到不迷正是鸞飛愁
寂寞不妨長作傷人啼

次韻寄答鹿牀犀月仲兄叔兄見懷四絕

桐谿寓客多幽興數日應知斷送迎最憶綠陰新
雨後小鑪茶熟聽啼鶯

吟罷蕭齋無別事乍憐梧竹映衰曛支藤更出衡
門外矯首奇峰簇晚雲

風清竹裏圍碁局雲暝琴邊壓酒牀幽事定多身
未與只緣櫻筍帶山鄉

新開仄徑通城脚舊葺疏籬傍水隈境勝自然清
思發郵筒頻有好詩來

次韻再答

編菲架竹舊爲堂棲息鄣城歲月長曾爲種粳開
廢圃更緣收麥築新塲正思遠信驚殘寢忽把清
詩對夕陽知入夏來高臥穩乳蕉抽綠小軒涼

同里石菴禪人見訪因贈

餅錫飄然路不迷輕舟遠擢白蘋谿越中名士多
交識苔上青山半詠題領勝煙霞隨所住嘗新櫻

荀暫能攜鄉園兵燹凋殘甚話到桑麻更慘悽

食青精飯詩次韻

青青南燭葉搗汁可爲飯山翁自遠來問訊專持
獻言使顏色好抑資體力健嗟予頗迂拙所得在
方寸縈志慕淵明買田畊下溪此物出山林本不
隨稗販杜老誇冷淘亦復厭肥膈古人樂蔬食斯
意誠可繼入鼎煮香秔味好色猶媿加餐奉有餘
下箸不煩勸賓朋各有作成速在俄頓予亦綴茲
言聊復助一噴累歲多征求饑餒詎止萬今春風

雨空庶慰田疇願憂國望豐年此語良匪諱

秋日憶卞峰寄寒松師

金刹峰腰路屈盤白雲遙矚但漫漫茶瓜畱客唐
齊已裙屐尋山晉謝安古徑蒼松低偃蹇清泉翠
竹映檀欒還期夜雨挑鐙話聽取蓮萼滿點殘

贈鐵橋道人張穆之

道人家羅浮徧游名
嶽善丹青尤工画馬

摒擋詩瓢共酒杯雲峰蒼翠到時開向平婚嫁當
年斷曹霸丹青舉世推南粵雲淡鄉寢杳東吳木
落旅吟哀黃萼賸有相攜約定繫輕舟碧水隈

瑤室璇房七十二道人家住接仙居枕中鴻寶還
丹訣案上齊民種樹書蹤跡半生窮海嶽交游滿
眼識樵漁天台儻入王維畫孫綽應知賦未如

道人

將有天
台之游

懷鹿牀在鄧叔山中

澤國秋風白雁飛煙林空對雨霏微經秋佳興孤
吟筆昨夜微寒換袷衣叢桂山中常獨臥峭颿江
上又將歸吳興最愛餘魚浦那得招攜

劉磯

璠師新居題壁

當年誰葺此茆茨分取秋光界短籬橋下水渾人
灌圃樹陰門響客催詩茗鑪晝喜清譚勝佛火宵
憐晏坐遲餅笠蕭然無長物風山月鎮相隨

次韻仲兄九日作二首

餠字能題好寄將休論近遠各重陽雨寒籬菊猶
緘藥風逆雲鴻未作行落帽已難追勝事烹茶聊

得助清香

皎然九日與陸鴻漸嘗茶詩
俗人汎黃酒誰解助茶香

山田蚤熟

矜前穫紅香新又薦嘗

製籜爲冠那用彈計成林臥解征安司勺接以援

坐臂松杪歸巢鶴整翰濁酒傾壺畱醉士嘉蔬充
饌藉園官黃萼佳節休輕負冒一可妨著屐看

山城卽事再用前韻二首

足倦頻教舁筍將經由邨背復山陽遠看紅樹鴟
千點細認青帘字一行谿水簇煙寒有色籬萼殢
雨澹無香小園芋棗今方熟消夜煨來共客嘗竹輿

將爲筍

詩類銅丸乍脫彈灞橋何用跨驢鞍吳山畫本開
屏障塞雁書形接羽翰兩版小扉敲淨侶一牀殘

筍掇稗官芸黃未怪秋容老江介霜楓倚杖看

同簷谷傅功將歸桐川寄二兄在茗谿

客館傷秋思總乖輕舟歸計已安排飛雲天際心

仍遠用狄梁公語寢草池邊句定佳萬頃鷗波平落照

一林虎石疊蒼崖故人況是羊求在亦儼先過款

竹齋

秋夜懷比玉

適意人生得幾何白駒真奈隙中過玉川屋破偏
能隱東野詩寒不廢哦聯翼霜鴻摩夜月碎聲風

葉攪庭柯懸知鐙下微酣後顧影鬢髮蚤皤
次韻答繆六自

伊人秋水外佳句詠澄江字換霜鷺隊書傳錦鯉
雙芝蘭吹臭合珠玉到心降良夜期同醉無舜倒
綠缸

舟過罨畫谿至清果寺作

寺基爲唐學士錢起故第

落日回橈近沿流意頗耽樹聲遙岸合山影綠尊
涵境喜隨時得游難到處堪詩人遺跡在重爲訪
精藍

讀宋了谿舜徵舉書有作

辭榮孰是戀丘樊叔夜移書絕巨源幽徑自憐秋
藝鞠故山無媿夜聞後孫弘天上開東閣顏闔家
中鑿後垣應識鑿湖將剡曲它年箕穎得同論

簡簞谷

年來交契本知心幾度爲君歎陸沉已說故人多
薦達謾逢緇侶數招尋夸門且作容身計梁甫休
爲抱膝吟鬻畚賣漿生業在誰言不返獨山林
呈祝翁子堅次錢牧齋宗伯原韻

未流多異尚瑣屑箋蟲魚經歲肆漁獵差堪傲鄙
夫先生貴實學窮究先史書安危在指畫坐屈庸
妄奴東陽久棲遁高臥江邊廬風塵忽瀕洞國步
方艱虞起持拯世策忝上金門書旣至九重遠中
流輕一壺睥睨公卿輩束手靡分區浩然攬歸轡
却令壯志孤登高累回望灑血眼欲枯解劔遺空
山斗間氣盤紆何當重拂拭四海烽煙除久知老
人星遠在天南隅豈期此邂逅慷慨還驚吁屈指
較人物不爽寸與銖雄譚析疑義條理如櫛梳藥

草勤採掇烹鍊功有餘未審服食後體中復何如
月雙轉轂慮若江河徂遠游苦未暇凝寂惟端
居墳籍披左右它好寧今諸良朋或見枉爲摘園
中蔬蘭交自有合況復親占儒煙林哢時鳥水藻
馳晴鳧發春行可待牽勿輕回車

次吳脩齡韻賦贈祝子堅四首

一笑還知託意淡譚鋒終席莫能侵鯤鵬自奮垂
天翼騏驥空傷伏櫪心勾瀟丹砂堪就煮穀城黃
石待相尋斗間何物宵光射叩匣時聽龍欲吟

身世休嗟鬢已蓬襟期尚有渭濱風不辭魯囚千
尊綠時接蒼顏兩頰紅宇宙勳名虛竹紫關山戰
伐感星虹只今耆舊如君少手植青林有化楓

坐聽焦桐雅曲彈高山流水志閒寬飯牛事業憑
誰問倚馬文章好叅看譚笑謾圖朱紱易刀圭欲
駐黑頭難惟應共睹兵戈息再說階前舞羽干

矍鑠無嫌雪滿顛相逢意氣重相憐縱橫見授燕

人說翁出示有希燕說一卷潦倒徒嗟賈傅年鄉國桑麻殊

樂土客窗風雨類枯禪中宵忍聽荒雞叫解纜明

朝又各

西湖讌集二十韻

衣裳坐 哲后黼黻起賢臣歛邁旁求日俄登薦

拔辰玉衡齊七政霖雨霑三春奎壁光相映膏腴

力自均向方優聖化足通津古道情祛偽清

修體合真鄭莊勤驛傳郭泰表人倫詞賦推餘事

規模起後塵分投金石固交締蕙蘭新求應無殊

躅助勩有致身伐檀餐莫縈麗澤益須親屬此名

都聚無令勝跡湮慢張仍郭外醴設卽湖濱繡羽

香蒸鴨青絲嬾頰蕤蕤棄車雙衛玠驚坐兩陳遵亭
迴招癭翻潭溪餌細鱗似鬢圍坐密如鏡點橈頻
玉局追山立
隱倫月看升就曉星計散凌

會會遠溪期仰德鄰

同徐彥通俞犀月周簞谷諸子小集限字

西 以讌後勝集復菲堂紅燭催詩短清尊引興

同中散 喜接次公狂歸去應相憶梅枝壓

半牆

次韻顧樵水投贈之作

別來君鬢忽成絲屈指真驚歲月移徑滿鶯等重
過日窗溪風雨細吟時暫維短櫂畱難得好罄清
尊醉莫辭舊是三高棲隱處浮家何計把竿隨

次韻訓鮑聲來

參軍家學舊知名湖海論交願事兄蘭楫浮波忘
路遠等箋贈句覺神清低檐午掠營巢燕小圃晨
喧選樹鶯僂擬禾中成雅會雞壇應喜狎新盟

次韻訓沈客子

曲徑等飛屐齒經草堂疏樹帶春星幽情豈鬪蝸

牛角博物能知海鳥翎訪隱城邊尋卜肆聽歌江
上問旗亭桐谿信宿猶輕別是處迎君柳眼青

次韻訓馬參尹

匆匆維櫂款菲堂那得畱君醉百場郢調欲賡慚
刻鵠玄經曾著寢棲風蘿窗坐處春衫蔭梅墅歸
時蠟屐香別去忽逢新舊雨擁書獨賸管寧牀

春夜作

月出筵初設參橫曲未終玉船看送酒蕩漾燭
紅

金醴粦前酌蘭膏午夜添吳姬能勸客纖指擘雙
柑

雨夜小集同吳孟舉家仲兄叔兄用燈前細
雨簷粦落平字爲韻分得燈字

夙咎論詩愛友朋當筵新句孰爭能檀槽注酒休
舜醉竹几繙書喜共凭石徑蘚粦淹短屐雨窗香
篆暈殘燈蒹葭一水無多遠興到蘭舟好便乘

次和俞犀月夏日閒居三首

幽居曾甃石巉巖習靜無妨燕語喃對榻茶烟颺

短鬢隔簾蕉翠上輕衫詩題粉筆僧邀和酒注山
杯客共銜更愛晚來松際月恍如青鏡出塵函
爲憶菲齋面碧巖靜聞仙唄遠喃喃迎風竹翠搖
書幌過雨荷香襲葛衫短笛穿林聲更咽斷虹垂
礪影猶銜窮年閉戶書成後好向名山貯石函
檻石嶙峋列怪巖鶯聲嚦嚦燕喃喃濃陰匝地堪
移榻曲水通池好浣衫蒼荀半開蠶已覺荆桃初
熟鳥爭銜端居盡日閒無事訓倡新詩更幾函
摘藻堂詩彙終

敘

詩一也而有古詩近體之異時雖異而淵流雲俊
金相玉質則同體雖異而氣經詞緯文從字順則
同顧習于狎而荒於畏五七律絕世有童而學焉
者三言四言以及三侯五噫旁而通之者則渺矣
夫以爲卿雲南風可篇摹而句儷國風小雅可影
步而形趨者此其人非迂則愚也然習流於熟爛
畏生於瑟縮將聖遠賢高而曰禮豈爲我設乎陸
周隊列而曰竇之有可由乎此其人非庸則弱也

余以爲專於今者未必宜於古而專於古者未必
不宜於今詩文自命存乎人之持擇焉已爾夫詩
至少陵止矣而流觀古體奉先之赴彤庭寒女賦
斂之餘悲也北征之詠翠華金闕忠愛之遺志也
莓苔青於玉殿瞻彼橋陵風雨影於瑤池感茲零
水新安石壕之暴瘞子單孫新婚坐老之別痛腸
乾髓長松蒼鼠玉華之石馬蕭條怪石啼猿九成
之棟梁離立鐵堂丹谷之奇秦州遠發石櫃白沙
之勝同谷長征園瓜畦稻宛爾幽風雞柵水筒依

然神界以至畫馬青驄萬里之雲亂蹋角鷹義鶻
九天之風下坐鍾記室所謂驚心動魄一字千金
者千古上下豈獨十九篇而已哉迺吾觀咎之學
杜者韓得其排宕柳得其幽峭溫李得其藻麗雅
瞻而歐陽公以聖俞爲李杜王介甫以子瞻有少
陵氣象朱少章謂山谷致少陵之渾成謝疊山謂
后山與少陵爭衡然則學詩者以少陵爲質的其
猶百川之歸大海與新安汪子季青自桐川函示
新詩索余敘余得而讀之有諷有刺亦風亦雅隱

章秀句朗出天外而其古詩離奇卓詭令人目不
及眎耳不給聽蚪龍虎豹不能與之攫也其淡於
少陵之學者乎嘗聞東澗先生之論杜曰世祖修
高廟文公賞從臣言至德之代迎新主入廟賞蜀
郡靈武功臣也鋪陳唐史累幅難盡而以十字該
之其敘事簡妙如此不聞夏殷衰中自誅褒妲言
馬嵬事也直指其非則失歸美其君之義先之以
事別古先繼之以高光明哲其忠厚婉折如此具
此手眼以讀杜而杜乃可學爾敢以爲季青告且

爲世之學杜者告焉季青詩朱子長孺序之詳矣
長孺固習於先生之說者也請以余言質之其以
爲然否重光作噩之歲嘉平廿有五日虞山陸貽
典敘

序

吳興多佳山水自卞山達於故鄣谿行四五十里
烟樹蒼蔚箬箭羅生所謂上下若谿者也其鳥瞻
顧渚諸山與陽羨相連林壑尤深秀以其地僻遠
四方之士罕至休陽汪子季青築別業讀書其中
名其堂曰摛藻之堂歲在戊午余客斯堂者半載
與汪子唱和詩近百篇樂其山川將結鄰以隱會
徵書再下不得已舍去之都門遂畱至今春秋佳
日意未嘗不在茗雪間也今年春汪子書來貽余

所刻集且曰爲我序之余惟詩之用博矣詩人所處之地亦不一而在山水間者恒工何哉蓋詩之爲道猶斲輪然甘苦疾徐寸心自得意境未合沈思獨往寂無端倪及其有會操筆疾書如兔起鶻落少縱卽逝故非夫精神專一用志不分者莫能造於工惟其閑居而壅處內無所汨外無所役宇泰定而天光發乃能與自然之籟相遭今也馳乎埃壒之區膠膠擾擾應接之不暇支離牽綴以爲詩膚澤具而神不借來其爲工也幾何矣汪子年

甚少資甚高才甚美宐其於世間可嗜好之事日夜追逐如弗及乃其中恬然一切紛華靡麗不能動其性情已自殊絕而又屏居深山無人事之擾心閑而志一於以牢籠萬物之變態發摠遺俗之胸懷浩乎沛然其詩之工又何疑焉余居京華忽忽四載應訓牽率過輒焚藁歲得詩不能當山居十三而汪子之詩雲蒸泉湧愈出而愈無窮吾能無退避三舍猶幸其名在仕籍不得久臥林藪則其於詩將無因地而遷乎然吾聞有道之士雖訓

醉萬端而神慮湛然不易其所守其在朝市猶山
林也如是則汪子之詩吾又無以測其所至矣
康熙壬戌仲秋同學弟吳江潘耒撰

摘藻堂續藁卷一

庚申

休陽汪文柏

巖山

蒼崖悶靈奇萬象已包蓄何年斲鰲背開鑿分巖
谷其巔插青冥其根拔地軸巖岬相蔽虧鱗朐辨
重複或如熊虎蹲猙獰駭羣族或如鸞鵠翥猗張
爪猶伏或如神祇來遠蹈巨靈足或如兵甲鬪列
陣森旄纛或利如劔鉞或細如箭鏃或如手版迎
或若危檣矗雲霞紛異狀變幻多迅速陰洞芝草

生陽崗桂凝馥潛蛟窟古潭俊鶻巢喬木幽竇吐
鳴泉淙琤韻金玉雲梯杳難攀微逕遵詰曲跛牂
試登頓扶掖賴僮僕林樾見丹爐石房祕金籙中
栖挂瓢翁頽然鬢雙禿茶瓜共清談雞黍仍止宿
仰視衆鳥歸暝烟帶脩竹因言茲地僻勸我構茆
屋仙人不可見石上畱碁局

霍山人子秋家於此
崖右有仙人洞碁盤

罨畫谿

嘗聞罨畫谿夙昔本佳境龍葱樹木稠夾岸色交

併古榦走虬龍懸藤汲脩綆楂枒半紫落拳曲多
怒瘦陽春忽敷花錦繡蒙其頂鳥鳴雜以幽石貺
峭而猛仰聽颼颼聲俯窺玲瓏影迤邐溯潺湲往
還便孤艇一從兵甲動陵谷變俄頃喬木無殘枝
初聞斧聲靜張颿了無礙刺眼莫重省經過事已
遷弔古懷逾騁雲歸野渡荒猿嘯石林迥沙鷗宿
葭菼寒魚依藻荇彎跽蓬底坐颯沓天風冷緬想
昔詞人招提面蒼嶺風流不可作誰共論箕穎詩
卷獨長畱溪山與之竝

唐錢起讀書於此今
清果寺其故址也

次韻酬郭臯旭沈南疑過訪

一谿成詰曲孤樹老槎牙人繫重來權燈開昨夜
花論交俱異地過酒自鄰家但得詩名盛何須感
鬢華

遣興二首

野情原卓犖詩格喜聾牙坐上尊傾螳燈前筆吐
花半瓢那挂樹一葉可浮家謝却紛埃好逍遙玩
物華

懶癖嵇中散知交鮑叔牙養生須餌朮閱世等飛

琴龍劍悲塵市貂裘付酒家故人貽尺絮迢遞自

京華

時朱竹垞有劄

懷文織較書一首

鸞簫吹紫玉猩拍點紅牙袖暖霑香暈詩新蘸墨
琴瓊漿分綺席璈奏本仙家悔別藍橋路雲山繞
夢華

瓣香樓小集用東坡韻

谿雲旋起日沉西水檻芹香燕子泥自有軒窓供
眺望未妨雞黍待招攜松花舊釀牀頭拆桐葉新

詩硯北題脫帽論心竝知己醉餘應擬玉山齊

用前韻送家仲兄之茗上兼懷叔兄在吳門
朝來分袂小橋西屐齒緣隄印淺泥紅藕香中人
獨去白蘋波外酒堪攜筠筒織翠郵新札苔壁籠
紗認舊題更憶姑胥臺畔柳客遊踪跡竟難齊

重過初地菴訪文可師畱贈二首

躡屐重來日柴門一徑紆稚松今偃蹇脩竹舊蕭
疎歲月清吟裏茶瓜野興餘相尋尊宿少令我更
躊躇

閉門真世外削迹遠風塵十笏居初地三生問夙
因坐看馴鴿下行愛晚雲親何日幽懷遂還將白
社鄰

次韻吳孟舉卽席分賦得簷字

翠密桐陰覆短簷小窗風定雨纖纖歌傳白苧等
前度酒泛紅螺燭下拈墨瀋暗飛香染袖篆烟輕
駐影侵簾當筵莫把更籌數促坐畱髡興未厭

送金亦陶遊黃山口占四絕句

千里良遊興未窮風流禽尚好相從巾車蠟屐世

閉日採取黃山六六峰。

耆松百尺倚青冥。飛瀑琮瑤響雪亭。一誦淮南招

隱賦。知君世媿草堂靈。

藥徑丹臺取次攀。青鞋布屨歷孱顏。他時貌得黃
山返。百疊芙蓉片幅間。

苦恨神交識面遲。吳根越角幾相思。未緣把袂傾
談劍。猶自挑燈寫贈詩。

期謝文侯張穆之兩丈不至

海內畱耆舊。天涯散旅愁。丹青同討論。風雅奉追

遊。已埽羊求逕。仍虛李郭舟。滄江新漲穩。若處片

颿畱。

庚申二月得俞鹿牀先生訃。同家兄設奠桐

谿艸堂爲文以哭之。犀月有詩志其事次

韻二首

淚灑西州意。愴然椒漿桂酒列。堂前青山無復逢。

徵士碧落誰能致。謫仙跡隱雲林矜。晚節交淡縞

紵。憶忘年典刑。幸未隨凋謝。架上刪詩賸。幾編

思君出處道。彌尊何日松楸表墓門。

時將爲謀葬未到

吳鄉遙設奠欲憑楚些爲招魂長城五字應難敵

故篋千編豈易論鹿牀五言近體自許過人外有彙選諸集點檢草堂

圖繪裏同遊今復幾人存戊午秋有草堂雅集圖攜李徐初鄰四明毛績

宣吳門盧九芳諸子皆已奄逝

過昭慶寺宿文空上人坦菴四首

最憐山翠與湖光寢寐猶教意不忘却笑浪游曾

數過花殘來宿贊公房

晚來衝雨款柴荆愛爾談淡物外情松火熒熒光

閃壁茶鑪聲寂候蟲鳴

小窗孤燭夜淒其敬枕詩成懶未題世那鄉心回

曉夢半樓殘月亂峰低

竹架芸籤甲乙分名賢墨妙總紛紜才思自愧曾

焚研那有瑤華夏贈君案頭有諸名賢書贈墨跡十餘冊因出索題

十一夜同家兄泛舟至湖心亭作

孤舟凌浩渺萬頃瀉銀河草際吟蟲出亭中爽氣

多星光沉遠澈柳影濯清波幽賞耽今夕回橈一

放歌

舟至茅家埠

湖頭鳩背船輕槳易爲撥
况逢新霽好十里澄波
滑賞心唯兩人佳興不可遏
風來菱芡香雲起峰巒
巒沒入港漸縈紆舉頭縱軒豁
叩舷一放歌清響激林末
平生厭喧囂塵鞅此焉脫

過靈隱寺二十韻

捨舟登寶地地理策訪名藍
新霽幽禽悅微涼野客
眈日高風乍息草濕露仍含
徑轉迷藜篠橋迴識
古楠湖雲能作雨崖氣忽成嵐
白石尋趺坐青松
接塵談三車真善誘五蘊得
淡叅教已通儒墨宗

猶辨北南瓣香觀舍利半偈誦瞿曇

時訪山目師觀粵東送至

舍利子水下蓮萼滿經繙貝葉函毒龍還制盃怖鴿

謾依龕瓜沁冰漿冷茶烹玉乳甘激湍流汨汨灌

木影穆穆

冷泉亭畔有掌羅樹數株相傳昔有禪師從西域移植今他處所無

積霽

凝如黛高標插似簦遙峰難徧歷邃壑且窮探

欲登

天竺不果裴回飛來峰下

樵客曾看奕山童輒解擔興來催獻

詠勝絕豁憂悞法侶投溪麓疎鐘隔小菴迷方情

更遠覺路道世慚薄暮忘言際清光月印潭

玉泉寺觀五色魚

南齊僧曇超說法於此龍王來聽爲之撫掌出泉有

魚數百頭中一種
翠藍色者尤奇

柳陰百尺闌干曲。石梁寒漲搖新綠。斷雲低捲藕
絲風。翠鬣紅鱗鏡中伏。凭欄俯瞰見珍奇。盤旋圓
鯽鯉。鰭肥龍宮偷琢女媧石。錦段碎擘天孫機。不
數寶刀兼玉尺。楓葉鶯毛并騰擲。皆魚名吹竽逐影
似浮空。一種拖藍暈淡碧。何因微服雪為鱗。復歎
棄濤血點額。此魚雖小豈偶然。目眩明霞映波射。
衲僧罷講歸何處。老龍撫掌畱奇跡。濠梁之樂兩
心閒。倚樹微吟未忍還。蒲牢乍吼波光靜。驚落池

邊月一彎。

茗上喜晤張鐵橋二首

武林方解袂。苔上復相迎。山好重舒眼。潭深每寄
情。囊空人磊落。劍冷歲崢嶸。千樹羅浮雪。應添客
瘳清。

銅狄摩挲久。何人問歲星。丹砂誠可學。墨妙已通

靈。江文通有丹砂可學賦屈指推耆舊。論心重典刑。相逢無

定處。尊酒愨飄零。

贈潘霞山

韓康真避世。託跡匪巖阿。鬢向愁邊白。顏從醉後
酡。長鏡尋上藥。短筑助悲歌。儻未嫌疎慢。茅齋牽
數過。

月夜

雨晴重見月。孤客坐中宵。巖樹淡棲鶻。江門遠落
潮。影斜蛩響急。涼入燭夢銷。掩卷空搔首。憑誰破
宋寥。

遣興

用拙真吾分。謀生怪世情。雲林疎杖屨。歲月老柴

荆謝客身多。爛耽書眼倍。明北窗新睡起。聊遣一
壺傾。

和答仲兄二首

離索經旬獨醉眠。谿頭結屋小如船。弟兄判袂懷
今夕。賓友聯牀話昔年。竹過短牆初解籜。落緣空
徑欲鋪錢。讀書奉母真佳事。早儼躬耕負郭田。
小窗坐久撥書眠。柳岸蟬聲憶別船。縹緲雲山成
兩地。頻仍水旱接三年。露涼葵滑堪充饌。谿漲魚
多不計錢。詩罷鈎簾凝望處。芳塘荷葉碧田田。

次韻懷比玉

白首松雲穩獨眠
畫谿閒日弄漁船
蘭臯結佩追陳跡
桂檻携尊訂隔年
嘗約看王園木樨
几淨好臨脩楔
帖囊空難索撰碑錢
老農每怪頻憂歲
底事荒蕪到硯田

次韻寄天隨

山中瑤草日芊眠
谿上桃華待機船
約明春再訪郵居
袖手看棊嗟往事
撚髭臨鏡歎流年
時從縣吏輸魚稅
月給園丁養鸚錢
聞說幽居生事足
況逢新雨

熟瓜田

世題次韻二首

鸚鵡窗前喚曉眠
琴晨中酒怯觥船
曲闌歌闕愁如海
斗帳香銷夜似年
春向蒲塘移畫鷁
寢隨柳岸駐連錢
仙家藥杵猶難得
那覓人間種玉田
下簾閑倚繡牀眠
琴影如移書畫船
字寫落箋縈別緒
香畱薇露惜芳年
王孫幾費纏頭錦
俠客頻輸博進錢
縱使微波通密意
蓬山清淺隔桑田
遣懷次韻二首

壚頭酒美縱酣眠漫浪身如不繫船
緱嶺吹笙王子晉江南度曲李龜年
從知世胄空縻爵自笑儒冠豈值錢
好種木奴供歲給南山何用豆萁田
粳間蝶寢繞高眠寶劔淡沉笑刺船
長怪水萍真浪跡須知社櫟竟天年
山中欲問登仙訣世上徒矜使鬼錢
背郭隱居聊種秫祇營一稜舍傍田

望詩我本曾
無一稜田

池荷

翠蓋方高擎亭亭出清水荷粲取次開絢爛如霞

綺微風動頗黎影亂搖窗几珍簾挹清芳霏霏未
云已主人日長閑懷抱淨無滓彈琴出游魚洗琰
酌佳士有時誦道書隨意盡數紙因思噉名者奔
走塵埃裏世味等嚼蠟幽居足甘旨池粳亦可愛
風致天然美坐待秋風生紅房拾蓮子

兩窗雜詠十首

金閨亭畔草萋迷酒榼詩瓢任爾攜一帶綠楊遮

宿雨墊巾還過白公隄

懷鐵橋
遊吳門

一別音書竟杳然袈裟知泛聖湖船何當拂袖從

師去坐倚松根聽石泉

聞體師往武林

儼事山人白兔公一丘一壑意何窮紫芝同采蒼

崖露況愛秋來食晚菘

霍子秋山人年八十四嘗招予隱巖山

一櫂荷香判袂初汀烟江樹總愁予新詩似鬪天

孫錦十幅魚箋慰索居

七夕得犀月同叔兄倡和詩

山中風味寄將頻最愛松粳餅餌新攜向書堂須

飽喫勝炊石子飯仙人

天隨以松花粳為饋來札有仙家作石子飯之語

忽聽山陽短篴鳴詩篇空在若為情小窗刻燭渾

如昨愁對西風說老成

偶檢故篴得鹿牀分韻諸什

幾念連枝隔遠途輕風細雨臥菰蘆每當粍月增

怡悵翻使聯吟共酒徒

叔兄謂兄弟分處每值花月之夕與朋侶倡酬為多

高人相對一尊銜別路蕢風透葛衫却望黏天秋

浪穩半江斜日送征颿

送仲兄偕崔兔牀之桐溪

龐眉鶴髮齒彌尊文酒風流興尚存今日月湖閑

檣櫂白沙翠竹認柴門

過月湖訪方鷗餘先生

賣文為活本良圖處士名高道不孤從此愁來開

卷讀快如搔背遣麻姑

寧都魏叔子以詩文集函寄

寄霍山人

重訪俄經歲風光似指彈樓開脩竹裏徑裊暮雲
端孤鶴隨身老羣峰逼坐寒釣臺探古蹟秋思滿

漁竿

山人居近陳武帝釣臺

夜坐

砌蛩幽咽露華涼客省秋懷一倍傷葉葉梧桐驚
落盡放他新月到繩牀

陶器行贈荆谿陳鳴遠

荆谿陶器古所無問誰作者時與徐

時大彬徐有泉

泥沙

入手經搏埴光色便與尋常殊後來多衆工摹倣

皆雷同陳生一出發巧思遠與二子相爭雄茶具

方圓新製作石泉槐火鑿松風我初不識生阿髯

尺絜來相通

謂陳君其年也

贈我雙卮頗殊狀宛似寒梅

嶺頭放平生嗜酒兼好奇以此飲之神益王傾銀

注玉徒紛紛斲木豈意青黃文厰盒官窰畱款識

香籛藥盃生氤氳

數物悉見工巧

吁嗟乎人間珠玉安足

取豈如陽羨山頭一丸土君不見輪扁當年老斲

輪又不見梓慶削鐻如有神古來技巧能幾人陳

生陳生今絕倫

十四夜同友人翫月時璠師亦至

天外新鴻破晚烟小庭愛見月初圓琴書瀟灑畱
佳客尊俎風流憶昔年丹桂遲開逢歲閏黃葵孤
發占秋妍紙牕坐久清輝滿更好同叅老衲禪

中秋夜大雨招友不至作

惱人風雨故相仍獨坐情懷冷似冰天半雲淡藏
皓月巷南泥滑阻良朋客愁那寄書千里節物聊
傾酒十升斗轉參橫追往事琴間顧曲記吾曾

和犀月月夜見懷原韻

月映高梧帶數星嚴更聊起步前庭疎疎暗度空
檐雨點點旋移隔水螢千里壯懷愁未寐半窗涼
影醉初醒誰家夜靜鳴瑤瑟無數霜鴻落遠汀

秋夜次韻徐槩菴卽席之作

促席引盃俱勝流烏絲小幅書蠅頭井梧月上影
初轉庭桂露寒香更幽甕下曾聞畢吏部座中今
識韓荊州酒酣耳熱論當代空歎軼才棲故丘

魏叔子自禾城過訪信宿言別次韻奉酬

吳閫通樵李來去未經旬露菊難畱客雲颿慣逐

人文工身就老交晚意彌親傾耳聆高論挑燈那
厭頻

九日同謝文侯沈山子俞犀月浦傅功集裘
杼樓次山子韻二首

未著登高屐書樓喜共臨窗畱鴻影小沙落漲痕
溪望極思千里吟餘惜寸陰持螯能醉否已爲縷
橙金

幽尋兼勝侶谿路愛晴暄風葉隨筇遠霜萼照眼
繁歡情傾斗酒雄辨累千言物外諧清賞曾非竹

肉喧

述懷二首

一年秋已老強半閉門中窗入衰衰雨檐吹剪剪
風狂歌猶泛蟻病臥怯聞蟲底事慈闈遠雲飛正
向東

物外容身懶人來簡送迎蘭因當戶翦鴈以不鳴
烹計拙悲長鋏心閑對短檠幽居聊爾爾那更問
時名

寄贈龍華道公

清苔如練駕輕杯老衲攜香 御苑回卓錫珠林
 鷺伏聽拈筭寶座鹿銜來山鳴石澗層冰裂徑轉
 松門積翠開一遇卞峰猶夙契定知塵外有宗雷
 和犀月冬夜志感二首 時有星異
 譙鼓無聲夜沈寥橫空氛稜尙難銷遐荒羽檄頻
 馳逐誰念蒼生半已凋

倚劔高樓對遠天中宵愁坐不成眠杞人憂抱真
 堪笑北闕陳書有衆賢

摘藻堂續藁卷一

摘藻堂續藁卷二

辛酉壬戌

山滿樓歌爲錢副憲舟壑賦

宦海幾人真倦遊有錢未作買山謀先生歸來無
 長物一錢不費山滿樓樓高百尺何年起迥絕風
 塵山色裏巋然古意見空曠不與浮雲鬪赧綺魏
 公定亦會經過榜額親題書擘窠滄桑幾歷猶無
 恙得非鬼物常撓呵 樓額趙松雪所題亂後失去三十餘年今復合 先生
 閑來每憑眺翠屏九疊爭迴繞尙父湖邊雲氣多
 齊女峰頭月輪小西城臺閣尤稱奇好手難將絹

縈移人間塵慮并消釋好景一樓天所私因思前
輩品題妙奇琛隱現人誰知先生領客烟霞中俯
眎得失如雞蟲日窮千里意已豁何須跨鶴凌長
空我願先生重珍惜莫謾巾車并蠟屐當年湖海
傲元龍今日蒼生望安石

送仲兄歸里次韻四首

張鐙快飲歡今夕鼓櫂尋春憶隔年

客春仲兄
曾歸里

舊

社雞豚歸錦里新晴萼柳入斜川衝風自護貂裘
暝琢句能銷鐵硯堅爲念先人遺業在敝廬三逕

竹翛然

憶管征途望眼迷肩輿伊軋度山蹊連邨亂後無
機杼孤客生還厭鼓鼙養拙未能謀小築驚弦聊
爲擇溪棲追思往事堪惆悵雨絲池塘草又齊

甲寅亂
後離家

新年直以醉爲鄉日有賓朋坐滿堂臘雪水平挑
菜渚早鶯聲到落萼房愁邊折柳情何限別後看
雲意不忘歸去先塋親俎豆松楸成列已堪望
別緒詩懷何所互塗鴉醉墨灑淋漓拂衣欲謝風

塵歎按劍還令道路疑莫信折腰甘蠖屈堪愁凍
翼類蠅癡谿頭春色應相待脩禊歸來共把卮

讌集得銀字

高館鐙懸綺席陳騰觚飛爵夜逡巡梅開水榭香
如霧鱸薦冰盤色勝銀覓句謾思聽舊雨蹋歌猶
憶動芳塵谿橋路滑人過少似覺吾家別有春

清明日叔兄邀同人郊外泛舟得過字

新烟搖曳緒風和羅綺晴洲映淺波樹杪流鶯翻
麗曲陌頭坐桺鬪纖蛾尋詩蕭寺攜琴入挈伴斜

川蕩槩過不信看萼須火急春光取次恐無多

次韻寄蔣文從

尚湖風物最幽閑之子無營日揜關書帶翠分臨
檻竹酒杯青漾隔簾山題詩已識頻叉手傾蓋何
當一解顏爲惜江梅遲折寄巡簷空見綠苔班

春日招周簞谷沈山子俞犀月顧湘源蔡遠

士過鶴言家叔兄遊峽山次和簞谷三十

韻

疎鐘催曉月錦纜拂萼梢對峙山形秀中分地勢

切人家迷翠竹漁唱出青菱渺渺魚鹽市陰陰鸛
鶴巢蕪平如罽織鶯倦學校拋逸興因春得高懷
爲友教邊隅停走檄古戍但懸朔東作方祈社西
疇羨樂郊靈芎抽紫莢嘉卉圻香苞乍霽攜輕扇
微寒異折膠新妝多画鳥游女競飛髻寺遠通魚
梵庭空闌草茅炷鑪烟靄散誦佛語音泐殿閣參
差映林巒遠近鸞斑鳩鳴滑滑桑扈響交交簷鐸
疑搖佩風旛若曳旒法筵猶伏象石鉢恐藏蛟碧
澗落痕蝕蒼崖樹影捎幽尋多恂怳俗態總喧呶

曲磴松屐墜荒蹊獸迹跑閒情思贈縞遐望併揮
鞘習尙雖云樂民風恐易勦無緣救飢溺何計解
昏愒農事方占兆行踪莫問爻高樓聞遠笛深院
隔哀匏剪韭供傾釀烹鮮進晚肴偏宐文字飲恰
稱壅人庖快漿歸休促淡盃醉未休藤箋聊共寫
柳瘦欲頻敲良會殊非易嬉游莫更嘲

無題次韻

繡閣俯暫碧飄颻白苧衫光聯雲母障香繞貝多
函寶帶知腰瘦瓊枝並指摻蕙心常自懺綺語未

教芟金鎖憐蟲綴紅巾任鳥銜曲名新更譜觴政
巧能監鬢影蟬空嘒叙頭燕亦喃增城猶命轡弱
水不勝帆待月青羅幌移萼碧玉鑿露分仙掌潤
泉異海波鹹注硯蟾蜍滴釘簾玳瑁嵌麝煤添小
盆魚網伴芳槭鳳尾栽蒼峽龍團摘紫巖滄洲蛾
似蜨梁苑鹿稱麋慧業應無兩塵緣莫近凡蓮宐
君子愛桃憎小兒饞霞氣迎高柳天風拂翠杉画
橋成宛轉奇石似鐫劖望遠眉常蹙書懷手重緘
飛黃徒號駿東郭本非龜對鏡新妝懶窺窓獨語

訝雅歌羞鄭衛廣樂聽諛咸路比明河濶情同皦
日誠三生終可誓千里就憂讒

次答山暉師

贊老禪棲冷江干跡每疎無人能貸粟有鶴且傳
書看月扶藜杖栽萼寄草廬亦妨同野客來此問
閑居

舟經湖洑用范石湖韻

雲山何周遭遠望靈秀結涼風水面來其間無六
月獨擢蜻蜓舟颿駛浪堆雪菱葉雜荷萼渺渺連

天末穩坐信佳哉清流拋醉纈經過亦偶爾快意
叫奇絕秋水富尊鱸霜螯況堪擘會須縱浮家一
葉烟波濶

碧浪湖值順風舟行甚速

破浪憑風力蒼葭過幾重中流湧孤塔隔岸走羣
峰沙石翻鼉窟烟雲盪客胸吾廬欣咫尺棹棹未
聞鐘

雪谿道中晤徐子位二首

邂逅晴谿曲推蓬話別離各驚雙鬢改暫喜片颿

遲飛動看君意沉冥笑我癡禰衡懷刺字漫滅想
多時

一櫂頻來往閑峙狎壘鷗醫方曾徧試詩卷定長
畱樹向前川合山於近郭稠吾宗有賢者埽榻待

南州

徐善軒岐之術
時往子宗人家

偶作

數椽成小築鬆几稱橫斜風擺疎籬竹霞蒸曲沼
等澆書銀不洛看画玉雅又晚倦聊支枕生憎聒

耳蛙

東坡謂晨
飲爲澆書

題周荻書清森館

西風門巷晚鴉啼十里山邨曲抱谿蔭日琅玕開
小徑連雲擺稭帶平畦蘭舟載酒邀人醉藤榻堆
書丛屋齊叢桂東軒催掃壁幽香狼藉待新題

贈何相如明府

水部才華孰比肩漢廷詞賦冠羣賢西清視草終
須待東閣吟梅豈浪傳花縣賓朋增卷軸棘闈鐙
火伴丹鉛時方分校尋常巷陌秋風裏但覺歌謠勝
往年

訪韓子蘧畱贈

長愛伊人水一方蘋洲時過靜鳴榔山林坐老詩
懷壯雲物逢秋客緒傷虞氏祕書餘萬卷謝家芳
樹羨諸郎論文此日稀同調莫訝逃名類楚狂

酬仲兄懷予臥疾之作

頻年鱗頰病維摩只合安閑臥礪阿藥裹易親詩
句少酒盃空廢旅愁多虞卿異日書應就潘岳今
來鬢欲皤寄謝阿兄相念切冷侵姜被奈秋何
庭前桂樹粲發殊盛戲成短歌

淮南賓客不復作，
馥桂空留招隱篇。
我居堂下列數樹，
交柯接葉何連蜷。
月中遺種豈易得，
纍纍金粟秋風前。
去年雨露苦不足，
空煩抱甕移山泉。
今年雨後土膏潤，
熨童園容皆歡然。
從茲粲發年復年，
古屋幽香境自偏。
況世車馬門徑寂，
唯許鄰翁時往還。
邇來却埽近一月，
對粲始覺沉疴痊。
時抱疾方愈摩揩雙眼坐盤礴，
裁詩那復追前賢。
百壺沽酒解青錢，
大笑酩酊天機全。
休歌短筑但慷慨，
且舞紅袖真蹁躑。
鼻觀粲香兩無隱，
涪翁空縛壘狐禪。

叔兄將治別業於舍傍次仲兄韻先寄二首

柴荆謾設地無多，
窄徑疎籬便客過。
預擬看粲穿綠齒，
須邀試茗潑松蘿。
半圍粉堞屏連幅，
突起雲巒髻一窩。
我亦城西開小築，
輸君風致助清哦。
子城

西之築庭砌偪仄不能植一粲木

每過園林笑口開，
輞川幽築莫崔嵬。
應延小閣留賓住，
更寫新詩覓菓栽。
少陵有詣徐卿覓果栽詩隔水僧廬聞午梵，
過牆谿月照秋落。
尋粲問柳閑車馬，
可似沙鷗日日來。

送筠士師游閩中次王顥菴宮贊韻二首

瓶笠蕭然鬢未凋，
揭來杯渡趁秋潮。
千林落葉紅霞少，
兩袖新詩錦段饒。
書報烟津傳海鶴，
路迷雲嶠問山樵。
武夸仙客知相待，
一上峰頭賦沈寥。
津橋話別柳容凋，
小港波生識海潮。
仙梵暫離蓮社遠，
郵籤頻報水程饒。
霜林夜坐披禪衲，
壑寺晨炊拾墮樵。
峻嶺入雲行百折，
幾回驚寢俯寥寥。

筠士將赴吳中丞之約口占贈別

寺樓初寄錫短權，
又催移欲向連江路。
難忘開府

期幔亭雲鬢鬢，
荔浦實坐坐。
定有潮陽筆，
他時送

惠師

喜沈山子至作

今秋久苦旱，
故人亦稀逢。
何期值良晤，
況在風雨中。
別來聞臥疴，
蕭颯鬢已蓬。
迢迢一水間，
每恨阻過從。
賦詩甚矜貴，
取意偏能工。
清新斷垣句，
一洗

綺艷空

山子有梅花高館落春草斷垣生之句人呼爲沈斷垣

當代論風騷

雅音宐所宗，
何須雕肺肝。
苦作囁嚅翁，
同遊二三子。
飄轉隨西東，
竹垞羈宦迹。
簞谷傷途窮，
秋錦倚

馬才幕府依芙蓉停雲情何限魚雁殊難通乾坤
方浩蕩絕塞無青烽京華富才俊羣萃蘭苕叢朝
爲長楊賦夕奏甘泉宮藝林各樹幟壇坫相爭雄
君獨樂丘樊頗有上古風閉門究書史高臥彌春
冬予亦幽栖者癖性將無同肯作波間鳧寧爲礪
底松囊中有雙劍寶氣連星虹篝鐙且翦韭聚首
莫匆匆

湘源將歸虞山賦此以訂後遊

性癖難辭薄俗嘲篝鐙魚獺老書巢孟韓同調方

聯句嵇阮忘形合定交顧渚春回雙屐到吳江葉
落片颿捎分攜莫爽尊前約待摘谿頭荻筍苞

贈葉大令星期二首

文場縱眼困風霾僞體憑君巨力排種柳早能捐
五斗劓詩猶說徧千崖
星期曾訪黃山
徧歷諸名勝 閑穿松浪
雲埋屐坐對楓天雁度齋爲喜新交便情愜嶽崎
歷落見襟懷

銅墨寧堪試小邦真如萬石噎微撞
東坡詩子歸
守小國洪鐘

噎微 宦途久歎塵汗袂吟舍閑聽葉打窗談笑雲

林蓮社遠從容雞黍鹿門龐吳淞春漲多蘋鯉錦
字頻教付一雙

訪梁昭明太子讀書處

地僻古禪局曾聞鶴駕停簡編惟一過史稱昭明讀書過目

皆憶碑碣已千齡茗水如雲碧吳峰入畫青至今長

夏夜猶見照書螢

題福田三石像

宋南渡時聞吳中有石佛欲迎至武林高宗問侍臣在何

處對以福田寺曰福田不宐減也遂罷

象教知多少蓮宮是福田得畱三石像不比漢銅

仙

鵠峙并序

吳興城南僻壤有石屹立若鸞鵠軒翥狀玲瓏透漏二紫藤交纏其間如蟠螭秦壘其一面苔蘚侵蝕摩挲久之得篆文鵠峙二字并真書梁尚書沈約題等字知其地為沈東陽池亭故址也嗟乎古人不作城郭皆非獨此石經歷累代巍然猶昔豈偶然哉惜今埋沒榛棘中不復為好事者所稱賞感而作詩

太湖夜冷犁星沒水落山根露龍窟其中老石撐
突兀洪濤激浪洗嵌空鬼斧神工鏤奇骨何年移
傍茗溪雲雙藤天矯萼繽紛隱侯笈日為稱賞題

品重鐫古籀文環羅衆石作巖壑昂然鵠峙臨雞
羣那知人世有興廢好事真難比前輩人民城郭
總皆非荆棘銅駝久增慨我來見之喜欲狂摩挲
百徧猶徬徨吁嗟秀質久埋沒何用控求花石綱
同姚孝廉家小阮陪于郡丞遊白雀寺訪匡
瀑師山房茶話卽事
飛蓋穿雲度寺橋上方茶話對參寥杉篁磨颯崖
風落泉石春撞澗月搖畫壁指看塵已暗齋盤攜
薦筍初燒歸鞍漸到城頭路鼓吹聲中鐙火遙

華及堂小集同賀天山叔度俞犀月華羲逸
顧雪坡家叔兄分賦羲逸明晨別去

觥船引滿夜陶陶遠客停艫不待招書架便從鐙
下檢燕盤昨向雨中挑梅邊斜月移虛幌林外殘
更墮麗譙自此畱歡擿十日無煩折柳問河橋

次和天山

谿上春風到客筵華門何季辱高賢光邀片月當
杯滿影落殘梅壓帽偏揮灑共驚才絕世拍浮須
盡酒平舷交遊大半多星散一聽高歌意惘然

天山

詩憶鹿林有
人琴之感

次和叔度

城陰暝色接江樓竹下初陪二阮遊投我佳篇探
月勝勸君新釀過牆頭談清未擬呼盧醉燭燼難
邀墮珥畱水部自來能好客故交相遇總名流

謂何

令君也

次和犀月

桑麻自分老生涯俗儉城蕙冑務華小徑敲扉傳
刺字溪谿停榜落寒琴歌殘伐木耽求友聽徹曉

鵬怕憶家稍喜茅堂多唱和玉山名勝更休誇

次和雪坡

旗亭畫壁許先推雅調須教海內知桑落浮觴吹
綠蟻麥光鋪案界烏絲丁東瀟咽銀虬箭燿燦鐙
分火樹枝良晤莫愁難再繼臨流脩楔有佳期

次和家兄

舍南卜築薤榛蕪領客攜尊興未孤曾念枌榆遲
去魯可緣尊鱸久居吳簷琴籠霧藏溪淺漁火將
星乍有無此日詞壇驚利器爭看美玉試昆吾

登毘山天游閣

一徑蜿蜒上峰頭，古屋牢孤僧。延客立驚鼠，背人
逃翠疊層厓。竹紅分遠岸，桃坐來鐘梵。宗松籟動
雲璈。

渡太湖四首

震澤雄今古，茫茫歎禹功。衆流歸渤澥，一氣混鴻
濛。泉室機鳴雨，山邨木亞風。何當隨范蠡，生計五
湖中。
吳都賦：泉室潛織而卷綃。
萬頃奔流壯，長季力未休。快憑雙槳打危遣，一帆

抽白浪，通鶯脰。青樽對虎頭。

同舟有顧子雪坡。

莫釐兼縹

縵，偏似兩蛾愁。

晚濟風何急，平湖雲氣昏。浪頭穿地底，日腳射山
根。鳥陣隨天沒，漁舠隔浦屯。迷離烟火際，遠客問
前邨。

當年陽羨道，危坂繞湖行。馬首迎叢翠，杯中瀉一
泓。日光浮水出，雨點逐沙生。誰識孤舟客，經過憶
遠征。

過虎丘作

繁華轉眼盡宮殿生荆棘千秋闔閭墳等雨成淨
域雁塔壓谿光講臺蒙樹色如何一拳石遊子紛
如織末俗競笙歌閒情謝羈勒
苾鞵一來過感慨復誰識

登平遠堂書似雪坡

東吳地勢平如掌渺渺千邨雲樹間君自憶歸先
注望海濱寸碧是虞山

贈吳漢槎

積雪峻嶒塞外山天教才子歷間關身羈萬里孤

臣淚賦就三都兩鬢斑北闕有人憐死別南冠無
恙又生還時清長侍潘輿好猶恐徵書不放閑

送悔齋叔祖奉使冊封琉球

冰銜清望冠諸曹萬里揚颿賜錦袍鄴下文章承
寵渥廣陵烟月擅風騷吾宗喜蔭高枝茂當代驚
稱間氣豪帝遣詞臣宣德意朝推偉器矢賢勞
通經豈獨光鵷序柔遠無煩藉豹韜青瑣上書申
典故丹宸灑翰重封褒銜恩遂指中山路將命
休疑碧海濤繡蹙麒麟圍寶帶旗分熊虎駕長艘

湍浮併覺星辰動烟淨惟知斗極高四顧總連雲
渺渺十洲何處水滔滔扶桑曉日迎蘭櫂南極薰
風送綵旄浪說島民仍黑齒虛傳海邑近紅毛梅
峯嶼外看姑米龜鼉山頭望巨鰲亭號迎恩遵禮
法門名歡會足遊遨蠻王舞蹈瞻天仗長史奔趨
駕小舸瑇瑁奩開攜画扇紫螺杯煥進香醪文身
喜獲霑聲教異域都應化桀鰲豈向夜郎求蒟醬
寧須大宛貢葡萄蒙麻魚鱉猶咸若後至鯨鯢孰
可逃諭蜀并馳司馬檄封侯還佩呂虔刀越裳久
矣來馴雉西土猶然却旅獒絕島情形能入告遐
方題詠待揮毫金泥玉檢同頒瑞盧矢彤弓美建
橐計日王程暫分手海天南望首頻搔

贈錢斐玉侍御四十韻

運際昇平日羣才振羽翰彩雲明五色白簡肅千
官望重青驄馬威生獬豸冠考功新句美武肅舊
恩寬顧渚多蒼秀鄆城夏鬱蟠高文追曠代正學
底狂瀾止水含冲度名山歷壯觀談經誰並轡作
賦早登壇氣吐干霄赤心存徑寸丹公車遙羨賈

琴縣喜逢潘往者烽烟動危疆化理難秦山猶黯
淡涇水但瀾漫轉餉頻移檄巡城每跨鞍軍興能
不之西土賴重完吠犬聲無警哀鴻力已殫投戈收
俊又解網賑凋殘似此敷宏略誠堪勵紫餐尺書
膺鸚薦萬里遂鵬搏驛路香蕪合亭臯密樹攢繡
衣榮梓里 紫誥拜金鑾特操存松蘓清芬動芷
蘭影披紅芍藥光映碧琅玕德苾鴻鈞轉恩溪湛
露溥 聖謨方赫赫神武正桓桓仙醴傾銀甕瓊
芝進玉盤箒篁皆解甲暮夜鮮探丸休養今宐急

瘡痍幸甫安澄清推柱下耳目任臺端 天子虛
衷待都人引領看埋輪當路迥簪筆帶霜寒懲勸
身爲範典除道不刊 彤廷弘采納烏府慎糾彈
命世須賢哲棄肯起鳳鸞陽春迴大地桃李徧朱
闌走也開蓬徑翛然把釣竿寓因鴻漸宅家近子
陵灘驥尾希揚馬龍門識范韓繫心瞻坐右青眼
迨江千斗耀凝東壁台階照井幹賡颺千載盛庶
以慰交歡

題謝文侯爲余寫勘書圖小照四首

東髮貪書力未疲
雕蟲豈是壯夫爲
文園病渴難消遣
賴有丹鉛了歲時

清簟琴罇已絕塵
小胥侍立捲書勻
誰言戾豕如風葉
倦眼嗟堪較對頻

災黎汗竹遞傳訛
欲辨其如寡陋何
嘗恐古人心迹晦
遺文金石更控羅

幾年離索寓西吳
曩日交游出處殊
千里驗君圖畫裏
分明散帙坐詩癯

摘藻堂續藁卷二



程